

Staðfesting ríkisstjóra á skipulagsskrá fyrir „Minningarsjóð Sigurjónu Jóakims- 101  
dóttur“, útgefin á venjulegan hátt að mandatum af dóms- og kirkjumálaráðherra 8. júlí.  
8. júlí 1942.

Skipulagsskráin er þannig:

## SKIPULAGSSKRÁ

fyrir Minningarsjóð Sigurjónu Jóakimsdóttur.

### 1. gr.

Sjóðurinn heitir Minningarsjóður Sigurjónu Jóakimsdóttur.

### 2. gr.

Sjóður þessi er stofnaður árið 1917 með 500 — fimm hundruð — krónum, sem Jón fyrrv. kaupmaður Eyjólfsson gaf til minningar um látna konu sína, Sigurjónu Jóakimsdóttur.

### 3. gr.

Sjóðurinn ávaxtast í Sparisjóði Hafnarfjarðar eða öðrum jafn tryggum stað.

### 4. gr.

Stjórn sjóðsins skipa nú Guðrún Stefánsdóttir, Ingileif Sigurðardóttir og Guðrún Eiríksdóttir, allar til heimilis í Hafnarfirði. Ef einhver stjórnarkona fellur frá eða flytur úr bænum, skulu þær, sem eftir eru í stjórninni, tilnefna konu í hið auða sæti.

### 5. gr.

Sjóðurinn tekur við gjöfum, áheitum og minningargjöfum um látnar konur og menn.

### 6. gr.

Tilgangur sjóðsins er að styrkja fátækar sængurkonur, sem heima eiga í Hafnarfirði.

### 7. gr.

Úr sjóðnum má ekkert fé greiða nema það, sem nauðsynlegt er vegna sjóðsins sjálfs, svo sem: prentunarkostnað, ritföng o. s. frv., þar til sjóðurinn er orðinn kr. 2000.00 — tvö þúsund — krónur, þá má veita úr honum árlega  $\frac{1}{2}$  ársvöxtum til umsækjenda er verðugir þykja, sbr. 6. gr. Þegar sjóðurinn er orðinn kr. 5000.00 — fimm þúsund — krónur má verja allt að  $\frac{3}{4}$  hlutum ársvaxta til styrkveitinga.

### 8. gr.

Stjórn sjóðsins ber að halda gerðabók og færa í hana skipulagsskrána, umsóknir um styrk, styrkveitingar og ástæður fyrir þeim og annað, er varðar hag og rekstur sjóðsins. Sjóðstjórninni ber enn fremur að færa bók yfir eignir sjóðsins, tekjur hans og gjöld og skal færa í hana ársreikning sjóðsins. Stjórn sjóðsins ber að varðveita bækur sjóðsins, verðbréf og önnur skilríki og enn fremur að ávaxta fé sjóðsins á tryggan hátt.

### 9. gr.

Reikningsár sjóðsins er almanaksárið og ber að gera reikning yfir tekjur og gjöld sjóðsins, svo og efnahagsreikning, fyrir lok febrúarmánaðar ár hvert. Stjórn sjóðsins ber að fá þar til hæfa og óvilhalla menn til þess að endurskoða reikninga sjóðsins. Reikninga sjóðsins skal birta í viðlesnu dagblaði.

101

8. júlí

Á skipulagsskrá þessari skal beiðast konunglegrar staðfestingar, og hún birt í B-deild Stjórnartíðindanna.

10. gr.

102

11. júlí

## SAMÞYKKT

### um lokunartíma sölubúða í Hólmavíkurkaupúni í Hólmavíkurhreppi.

1. gr.

Sölubúðum og sölustöðum í Hólmavíkurkaupúni skal lokað eftir því, sem ákveðið er í 2., 3. og 4. gr. samþykktar þessarar.

2. gr.

Alla virka daga skal sölubúðum og sölustöðum og vöruafgreiðslum lokað eigi síðar en kl. 7 síðdegis, og eigi opnaðar aftur fyrr en kl. 9 árdegis næsta virkan dag. Þó skulu vera þær undantekningar, er nú skal greina.

Á tímabilinu frá 1. júní til 1. september skal á föstudögum loka sölubúðum og sölustöðum kl. 8 eftir hádegi og á laugardögum kl. 1 eftir hádegi.

Aðfangadag jóla, gamlárskvöld, laugardaginn fyrir páska og hvítasunnu skal sölubúðum eigi lokað síðar en kl. 5 síðdegis.

Tvo síðustu virka daga fyrir aðfangadag jóla skal heimilt að halda opnum sölubúðum til kl. 11 síðdegis.

Afgreiðslur vöruskipa eru undanþegnar þessum ákvæðum, meðan ferming eða afferming stendur yfir, en að öðru leyti gilda ákvæði samþykktar þessarar, þær, sem og sölustaði jafnt og sölubúðir.

3. gr.

Almenna helgidaga þjóðkirkjunnar, sumardaginn fyrsta, 1. maí, 17. júní, 1. mánudag í ágúst og 1. desember, mega engar sölubúðir vera opnar.

4. gr.

Ef skortur er á eldsneyti í kaupúninu eða útlit fyrir að skortur geti orðið á því, er hreppsnefndinni heimilt að ákveða, að sölubúðum skuli lengri eða skemmri tíma lokað fyrr eða opnaðar síðar en kl. 9 á virkum dögum.

5. gr.

Verði brauð- og mjólkurbúðir stofnaðar, má eigi halda þeim opnum á jóladaginn, nýjársgdag, páskadaginn og hvítasunnudag. Aðra helgidaga þjóðkirkjunnar sem og fyrsta sumardag, 1. maí, 17. júní, 1. desember, fyrsta mánudag í ágúst, svo og á laugardögum á tímabilinu frá 1. júní til 1. september, mega brauðgerðar- og mjólkurbúðir vera opnar frá kl. 9 árdegis til kl. 3 síðdegis, eingöngu til sölu á brauði og kökum, mjólk og mjólkurafurðum. Að öðru leyti skulu sömu reglur gilda um lokun þeirra og sölubúða.

6. gr.

Heimilt skal að afgreiða til skipa og báta salt, kol, oliu, benzín og matvæli eftir lokunartíma, ef svo stendur á, að skipið eða báturinn hefur komið til kaupúnsins eftir lokunartíma og ætlar aftur burtu þaðan fyrir opnunartíma sölubúða. Einnig er heimilt að afgreiða til bifreiða benzín, ef eins stendur á.

7. gr.

Heimilt er að taka við aflu skipa og báta og sömuleiðis sláturvörum að haustinu og innleggsvörum að vorinu, eftir lokunartíma sölubúða.